

重刊
縣志

卷首
卷一

輝縣志序

輝邑爲古共城之域山川

秀麗蘓門百泉之勝甲於

通省晉孫登嵇康輩嘗嘯

咏其中至宋邵康節先生

從李之才講易居安樂窩
流寓最久元則有姚雪齋
許魯齋昌明理學後先輝
映至

國朝孫徵君奇逢以高年碩

德來自容城講求性命之

學其道實足以繼往開來

直接尼山正脈四方來學

翕然宗仰於是蘓門一席

地遂爲海內理學淵藪不

僅以山川名勝稱而文獻
之徵亦較他邑爲尤重縣
志重脩於乾隆二十二年
迄今又歷八十餘載

聖朝右文所及海宇同風輝以

名賢會萃之區其間川岳

鍾靈人文蔚起必有日新

而月異者且嘉慶十八年

王師勦洗逆匪李文成等於縣

之侯兆州不崇朝而蕝事

武功炳煥均應亟爲哀輯
以昭激勸而示來茲誠守
土者之所有事也縣令周
君際華以名進士來宰是
邑凡有關於民生學校之

事罔不次第悉舉茲復釐
正舊聞搜羅散軼爲續脩
縣志之舉請敘於予予嘉
其知所當務必能信今傳
後爲名區增色也於是乎

書 峇

道光十五年孟夏撫豫使
者燕山桂良撰

重修輝縣志序

唐人最嚴方治之例梁載言之
十道志李吉甫之元和郡縣志
皆謹嚴詳贍一準諸摯虞陸澄
任昉顧野王之舊而斤斤焉不
差尺寸至宋樂史作寰宇志而

例始變祝穆作方輿勝覽而例
盡失前明方志中如呂涇野之
志朝邑康對山之志武功雖負
時名要皆不得與古人比例不
符也近代諸巨公出精研地輿
之學始講唐以前舊例然

之志亦有不能盡同者地里乃
史法中之一門而志之例則統
乎全史其中書美不書惡識大
不識小用史法而又與國史有
閒甚矣脩史之難也余以道光
甲午年奉

天子命陳臬中州明刑之餘時時披

覽方志以爲開俗採風之本適

輝縣周大令脩志告成來以序

請余聞之而深歎其得爲治之

要也昔朱子知南康軍甫下車

卽問志事今輝縣之志闕如者

八十餘載至大令而始脩大令
之脩之也又在履任九年之後
政通人和百廢具舉然後筆之
於書以備

聖朝之文獻吾知凡伯其姜之古蹟
蘓門泉源之山水邵堯夫孫徵

君之流風餘韻皆大令之所資
以爲政卽潤色之以爲書彬彬
焉璘璘焉有不僅於體例之合
者余更何說以益之哉雖然竊
有說矣輝縣坤媪之靈鍾於百
泉詩所云悲彼泉水者也乃其

中有曰出宿于涕毛鄭皆不詳

涕之所在後儒以禹貢之沔滎

當之殊與衛境不合余嘗考山

海經水經注而後知泉水本有

濟之名也海內東經云濟水出

共山南東邱絕鉅鹿澤共山爲

輝縣之共山則濟水明是輝縣
之泉水水經注名之曰長泉水
所云長泉水出修武白鹿山東
南伏流十三里重源發於鄧城
西北是也又云東南流注於異
陂吳陂一名大陸南北二十里